



Mibu he i pehtlaihnak

Na miphunbu he i pehtlaihte in um hi Australia i na khuasaknak bawmtu caah a biapimi lam pakhat a si. Zatlang le miphunbu phu pawl he i pehtlaihnak nih na umnak sang le veng i a ummi zapi he an pehtlaihter vima khawh caah, a biapimi pehtlaihnak surhri bantuk a si. Ramdang i a ummi na hawile le na chungkhar he i pehtlaite in umnak thinlung nih Australia ah lunglawmnak thinlung biapimi a si.

Miphunbu le zatlang phu tete

Australia ramkulh cio nih mipeem bawmhna petu phu a phunphun ai ngeih hna. Miphunbu phu pawl, lente celhnak phu pawl le zatlang phu pawl zong an um, cuka phu pawl ah mithar na ton khawh hna i, thilthar tonnak na ngei kho lai, asiloah, a tirtse in na uarci thil kha na pehzulh khawh lai.

Caruk

Zatlang hmanmi caruk pawl hi holh phun tampi in tialmi cauk relnak inn an si, a hmun ah na va rel khawh, asiloah, a hlan zong in hlan khawh a si. Zatlang hmanmi cabuk pawl tam u ah hin, man lo in maivan hman khawh a si i, komputer hman khawh an si.

TV le radio

Thawngzamh Phu (Special Broadcasting Service - SBS) nih TV le radio in miphunbu tampi holh in thawngpang a thanh hna.

Phone

Zatlang telephone asiloah, mobile phone in phone chawnh khawh a si. Khuachung chawnh man hi ai deng cem. Lamhla le ramdang chawnh belte a man a fak kho. Dawr thenkhat, thawngpang ezenh dawr le market hme tete tbk. ah special phone card an zuar hna i, hihi ramdang chawnhnak man deng deuhmi phun a si.

Zatlang telephone hi na inn ah bunhpiakmi phun a si. Telephone a bunhpiaktu company tampi an um. Phone bunhpiak man pek an hau ttheu, bunhpiakmi phone hman man hi thlatin bill catlap in an in hal lai.

Mobile phone hman hi sia a rem ko nain chawnh man a fak ngaingai. Mobile phone hman man hi 'hman hnu man pekmi', asiloah, 'hman hlan in man pekciami' tiin a si. 'Hman hlan in man pekciami' hi phone na chawnh zat kha rikhih in kal seh ti na herh tikah, hman tha a si. Pre-paid mobile phone hman man hi pek chung cia si i, na pekmi man zat a dih tikah, a thar na thun hlan lo cu phone na chawh kho lai lo. Pre-paid phone hman hi tangka budgetnak caah a ttha, zeicatiah na ti khawh leng tiang in phone chawnh man ah tangka na hman bal lai lo.

'Hman hnu man pekmi' phone hman nai thim ahcun, hnatlaknak min na thut a hau i, thlafa in phone na hman man zat na pek a hau. Plan phone hi a hlei in phone hman man pek hau lo in, cu zat kha zat ka hman lai tiah i suaicia khawh a si, asinain a zat nai suaimi nak tam in phone na hman ahcun, a man hleihluat kha na liam hrimeh awk a si.



Cakuat

Australia ramchung le vawleicung ramdang tam u address ah cakuat le thiltom na kuat khawh dih. Sa-teih (cakuatnak zung) ah ta-zeih-khawng na cawk khawh. Ramdang kuatnak cabenh hi Australia ramchung kuatnak cabenh man nakin a fak deuh.

Maivan

Maivan hi i pehtlai in umnak caah a thahnemmi lam pakhat a si. Na inn i maivan na hman khawh nakdingah, komputer ngeih le Maivan Hmannak Petu (Internet Service Provider - ISP) hmangin maivan an in pehpiak a herh. Phone tha le tablet timi thilri zong in maivan na hman khawh fawn, hman fawizaang a si nain a hman man a fak kho ngai. ISP petu hi phun tampi an um i, thlatin a hman man pek zat an i khat cio lo. A petu dangdang kha pa hnihthum tiang tal chawnh hna i na caah maivan man a tlawm bik ding hngalh hmasa ah a ttha bik.

Na inn ah komputer na ngeih lo ahcun, asiloah, maivan nai bunh lo ahcun, na pawngkam um caruk ah man lo in maivan le komputer na va hman khawh. Komputer a hmang bal lomi na si ahcun, asiloah, komputer hmanning ka thiam set lo tiin nai ruah ahcun, na pawngkam um caruk nih komputer le maivan cawnnak an ngeih khawh men.



Australian Government
Department of Social Services

Mipeem Caah Tuantu Ramkip Huap Phu nih
Australian Cozah Zatlant Bawmhnaak Phu
ai-awh in a cawnpiaak hna

